

ԱՐՁԱՆԱԳՐՈՒԹՅՈՒՆ N 1

Հայաստանի Հանրապետությունում բազմաբնակարան բնակարանային ֆոնդի կառավարման, պահպանման և շահագործման բարելավման հնգամյա ռազմավարական ծրագիրը համակարգող միջգերատեսչական աշխատանքային խմբի նիստի

08.11.2011թ.

ք.Երևան

**Մասնակցում էին՝**

**Աշխատանքային խմբի ղեկավար՝**

**Վ.Վարդանյան** ՀՀ քաղաքաշինության նախարար

**Աշխատանքային խմբի անդամներ՝**

- Կ.Արեյան** Երևանի քաղաքապետի տեղակալ
- Ե.Աթայան** ՀՀ քաղաքաշինության նախարարության աշխատակազմի բնակարանային քաղաքականության և կոմունալ ենթակառուցվածքների վարչության պետ
- Ա.Գիլոյան** ՀՀ տարածքային կառավարման նախարարության աշխատակազմի տեղական ինքնակառավարման վարչության պետ
- Ա.Եգանյան** ՀՀ էկոնոմիկայի նախարարության աշխատակազմի փոքր և միջին ձեռնարկատիրության վարչության պետ
- Ա.Հայրապետյան** ՀՀ ֆինանսների նախարարության աշխատակազմի մակրոտնտեսական քաղաքականության վարչության պետ
- Ա.Մինասյան** ՀՀ աշխատանքի և սոցիալական հարցերի նախարարության աշխատակազմի սոցիալական աջակցության վարչության պետ
- Ռ. Սուքիասյան** ՀՀ կրթության և գիտության նախարարության աշխատակազմի բարձրագույն և հետբուհական մասնագիտական կրթության վարչության պետ
- Կ.Խտրյան** ՀՀ արդարադատության նախարարության աշխատակազմի իրավական ակտերի փորձաքննության գործակալության պետ
- Ա.Հարությունյան** ՀՀ կառավարությանն առնչվող անշարժ գույքի կադաստրի պետական կոմիտեի աշխատակազմի իրավաբանական վարչության պետ
- Ն.Բաղդասարյան** ՀՀ ազգային վիճակագրական ծառայության աշխատակազմի սոցիալական ոլորտի և բնապահպանության վիճակագրության բաժնի պետ
- Գ.Սարոյան** ՀՀ քաղաքաշինության նախարարության աշխատակազմի իրավաբանական բաժնի պետ

**Աշխատանքային խմբի քարտուղար՝**

**Ս.Սրապյան** ՀՀ քաղաքաշինության նախարարության աշխատակազմի բնակարանային քաղաքականության և կոմունալ ենթակառուցվածքների վարչության բնակարանային ֆոնդի կառավարման և կոմունալ ենթակառուցվածքների բաժնի պետ

Նիստին մասնակցում էին նաև ՀՀ քաղաքաշինության նախարարության բնակարանային քաղաքականության և կոմունալ ենթակառուցվածքների վարչության բնակարանային ֆոնդի կառավարման և կոմունալ ենթակառուցվածքների բաժնի գլխավոր մասնագետ Գ.Թումանյանը և առաջատար մասնագետ Մ.Խաչիկյանը:

**Օրակարգ՝ Հայաստանի Հանրապետությունում բազմաբնակարան բնակարանային ֆոնդի կառավարման, պահպանման և շահագործման բարելավման հնգամյա ռազմավարական ծրագրի իրականացման ժամանակացույցով նախատեսված միջոցառումների կատարման հետ կապված հարցերի քննարկում:**

**Ե.Աթայանը** համառոտ ներկայացրեց Հայաստանի Հանրապետության կառավարության 2011 թվականի սեպտեմբերի 29-ի N 38 արձանագրային որոշմամբ հավանության արժանացած՝ Հայաստանի Հանրապետությունում բազմաբնակարան բնակարանային ֆոնդի կառավարման, պահպանման և շահագործման բարելավման հնգամյա ռազմավարական ծրագիրը (այսուհետ՝ Ծրագիր) և միջոցառումների իրականացման ժամանակացույցը, հատկապես շեշտելով հետևյալ խնդիրները.

- Հաշվի առնելով, որ Ծրագրի 9-րդ բաժնի միջոցառումների իրականացման ժամանակացույցում ներառված «Բազմաբնակարան բնակարանային ֆոնդի վերաբերյալ օրենսդրական դաշտի կատարելագործում» և «Իրականացվող բարեփոխումների հանրային իրազեկման և սեփականատերերի իրավունքների և պարտականությունների մասին տեղեկացվածության ապահովում» միջոցառումների կատարումն ապահովելը 2011 թվականին իրատեսական չէ, անհրաժեշտ է քննարկել նշված միջոցառումների կատարման ժամկետները փոփոխելու հարցը,

- Ծրագրի ժամանակացույցով նախատեսված միջոցառումները արդյունավետ իրականացումն ապահովելու նպատակով, մասնավորապես համապատասխան իրավական ակտեր, ծրագրեր, նախագծեր մշակելու համար Ծրագիրը համակարգող միջգերատեսչական աշխատանքային խմբի համակարգման ներքո աջակցող աշխատանքային խումբ ստեղծելու հարցը,

- միջոցառումների իրականացման համար համապատասխան ռեսուրսներ ներգրավելու նպատակով միջազգային դոնոր կազմակերպությունների հետ բանակցություններ վարելու հարցը,

- Ծրագրի միջոցառումների ժամանակացույցով համապատասխան գերատեսչությունների մասով նախատեսված միջոցառումների իրականացման համար անհրաժեշտ աշխատանքների ցանկի, կատարման ժամկետների և ֆինանսավորման աղբյուրների վերաբերյալ առաջարկությունների մշակման անհրաժեշտության հարցը:

#### **Քննարկման արդյունքներով որոշվեց՝**

1. Սահմանված կարգով Հայաստանի Հանրապետության կառավարություն ներկայացնել «ՀՀ կառավարության 2011 թվականի սեպտեմբերի 29-ի նիստի N 38 արձանագրային որոշմամբ հաստատված միջոցառումների իրականացման ժամանակացույցում փոփոխություններ և լրացում կատարելու մասին» ՀՀ կառավարության արձանագրային որոշման նախագիծ՝ Ծրագրի 9-րդ բաժնի միջոցառումների ժամանակացույցում ներառված «Բազմաբնակարան բնակարանային ֆոնդի վերաբերյալ օրենսդրական դաշտի կատարելագործում» ու «Իրականացվող բարեփոխումների հանրային իրազեկման և սեփականատերերի իրավունքների և պարտականությունների մասին տեղեկացվածության ապահովում» միջոցառումների ժամկետները 2012-2013թթ. տեղափոխելու վերաբերյալ,

2. Աշխատանքային խմբի անդամներին՝


- 15-օրյա ժամկետում մշակել և ներկայացնել առաջարկություններ Ծրագրի միջոցառումների ժամանակացույցով իրենց գերատեսչությունների մասով նախատեսված միջոցառումների իրականացման համար անհրաժեշտ աշխատանքների ցանկի, կատարման ժամկետների և ֆինանսավորման աղբյուրների վերաբերյալ,

- ուսումնասիրել գերատեսչություններում առկա փորձը նման ծրագրերի իրականացման կազմակերպչական աշխատանքները կատարելու համար (Իրավական ակտերի, ծրագրերի, նախագծերի մշակում և այլն) աշխատանքային խմբերի ձևավորման և դրանց գործունեության վերաբերյալ և ներկայացնել համապատասխան առաջարկություններ:

3. Բանակցություններ վարել միջազգային դոնոր կազմակերպությունների հետ՝ ժամանակացույցով համապատասխան գերատեսչությունների մասով նախատեսված միջոցառումների իրականացման նպատակով ֆինանսական և տեխնիկական ռեսուրսներ ներգրավելու համար:

**Աշխատանքային խմբի ղեկավար**

**Քարտուղար**



**Վ.Վարդանյան**

**Ս.Սրայան**